

2 SAMUEL

(2 Chamué)

**Dabí rü nüxũ nacuáchiga ga
nax nayuxũ ga Chaú**

1 ¹Rü yexguma Chaú yuxguwena, rü nüma ga Dabí rü ñane ga Chicláxcax natáegu ga marü Amaléxtanüxügüxũ nadaixguwena. Rü taxre ga ngunexũ yexma narüxãũx.

²Natürü norü tomaepüx ga ngunexũgu, rü yéma Dabíxütawa nangu ga wüxi ga yatü ga Chaú norü churaragümaxã íyexmaxüwa ne üxũ. Rü norü ngechaümaxã nügüchirugu nagáugü rü waixümümaxã nügü nabuxeru, rü yemaacü ínangu. Rü yexguma

Dabípxewa nanguxgu rü ñaxtüanegu nanangücuchi. ³Rü nüma ga Dabí rü nüxna naca rü ñanagürü: —¿Ngextá ne cuxũ? —ñanagürü. Rü nüma ga yema yatü rü nanangãxũga rü ñanagürü: —Iraéanecüãxgüarü churaragü íngexmagüxüwa chiña —ñanagürü. ⁴Rü nüma ga Dabí rü nüxna naca, rü ñanagürü: —¿Taxacü nangupetü? iChomaxã nüxũ ixu! —ñanagürü. Rü nüma ga yema duüxũ nanangãxũga rü ñanagürü: —Ngëma Iraéanecüãxgüarü churaragü rü nibuxmü i ngëma nügü

ínadaixüwa, rü muxüma ngëxma nayue. Rü ngëxma ta nayu i Chaú rü nane i Yonataü —ñanagürü.

.....

¹¹Rü nüma ga Dabí rü yema norü duüxũgü rü yexguma yema orexũ naxĩnüegu rü norü ngechaümaxã nügüchirugu nagáugüe. ¹²Rü poraãcü nangechaügü rü naxauxe naxcax ga Chaú rü nane ga Yonataü. Rü yexgumarixũ ta naxcax naxauxe ga yema muxũ ga churaragü ga Iraéanecüãxgü ga yuexũ. Rü yemacax tama nachibüe ñuxmata nayáuanemare.

**Dabíxũ naxunetagü nax
Yudáanearü ãëxgacü yixixüxcax**

2 ¹Rü yemawena rü nüma ga Dabí rü Cori ya Tupanana naca rü ñanagürü: —¿Yudáanecax tá chatáeguxũ? —ñanagürü. Rü nüma ga Cori ya Tupana nanangãxũga rü ñanagürü: —Ngü, name nixĩ i ngëma cuxũ —ñanagürü. Rü yexguma ga Dabí rü ínaca rü ñanagürü: —¿Ngextá tá chaxüxũ? —ñanagürü. Rü nüma ga Cori ya Tupana nanangãxũga rü ñanagürü:

—Īane ya Ebróŭwa —ñanagürü. ²Rü yexguma ga Dabí rü yéma Ebróŭwa naxŭ ngĩmaxā ga yema taxre ga naxmaḡ ga Ainóañ ga ĩane ga Yerécüāx, rü Abigái ga Cármecüāx ga yutecü ga Nabá naxmaḡ ixĩchirexcü. ³Rü yéma nanagagü ta ga norü churaragü natanüxŭgümaxā, rü Ebróŭgu nayaxāchiüğü. ⁴Rü yemawena ga Yudácüāxgüarü āēxgacügü rü yéma nangugü, rü Dabíxŭ chíxŭmaxā nabaerugü rü Yudáanearü āēxgacüxŭ nayangucuchixēēgü.

.....

**Dabí rü guxŭma ga Iraéanecüāxgüarü
āēxgacüxŭ ningucuchi**

5 ¹Rü moxŭācüamachigü rü wüxichigü ga Iraéanecüāxgütücumüarü āēxgacü rü Ebróŭwa naxŭ, rü Dabímaxā narüdexagü rü ñanagürügü: —Toma rü cutanüxŭxŭchi tixigü. ²Rü yexguma Chaú Iraéanearü āēxgacü ixĩxgu, rü cuma nixŭ ga aixcümama tomaxā icucuáxŭ. Rü nüma ga Tupana rü nüxŭ nixu nax cuma tá quixixŭ i toxna cudauxŭ rü guxŭma i Iraéanecüāxgüarü āēxgacü tá quixixŭ —ñanagürügü. ³Rü yemaacü ga yema duŭxŭgü rü Dabímaxā nindexagü ga Ebróŭwa. Rü nüma ga Dabí rü Cori ya Tupanapexewa yema duŭxŭgümaxā inaxüga. Rü nüma ga yema duŭxŭgü rü Dabíxŭ chíxŭmaxā nabaerugü rü yemaacü guxŭma ga Iraéanecüāxgüarü āēxgacü nixŭ. ⁴Rü nüma ga Dabí rü nüxŭ nayexma ga 30 ga taunecü ga yexguma āēxgacüxŭ yangucuchigu. Rü 40 ga taunecü nixŭ ga āēxgacü yixixŭ. ⁵Rü Ebróŭwa rü 7 ga

taunecüarü ngāxŭ nixŭ ga Yudáanearü āēxgacü yixixŭ. Rü yemawena rü nüma ga Dabí rü guxŭma ga Iraéanearü āēxgacü nixŭ ga 33 ga taunecü ga Yerucharéŭwa. ⁶Rü nüma ga āēxgacü ga Dabí rü norü churaragümaxā Yerucharéŭwa naxŭ nax naxcax íyaxŭāchixŭcax ga yema Yebuchéutanüxŭgü ga yema naanegu āchiüğüxŭ. Rü nüma ga Yebuchéutanüxŭgü rü nagu narüxñüe nax taxütama Dabíaxŭ natauxchaxŭ ga guma ĩanegu nax naxücuxŭ. Rü yemaçax ñanagürügü nüxŭ: —Cuma rü taxütama nuxā cuxücu erü woo ngēma ingexetüxŭ rü ichixeparaxŭ rü ningu nax ĩnapoxŭgüāxŭ ya daa ĩane nax tama nagu cuxücuxŭcax —ñanagürügü. ⁷Natürü nüma ga Dabí rü norü churaragümaxā nagu naxŭgüama ga guma maḡpüne ga Chióŭ ga yema ĩanecüāxarü churaragü nagu āchiüğüne rü nüxna nayapu. Rü ngēmaçax nixŭ i ñuxma i Dabíarü ĩane ñaācü naxugüāxŭ. ⁸Rü yexguma Dabí nüxŭ ĩnügu ga yema Yebuchéutanüxŭgü ga nüxŭ nax nacugüexŭ, rü norü churaragüxŭ ñanagürü: —Ngēma Yebuchéutanüxŭgü i chixri tachiga idexagüxŭ rü naxchi chaxai. iRü yima ĩanearü dexá nagu iyaxŭwa pichocu rü penadaḡ i ngēma ĩanecüāxgü i Yebuchéutanüxŭgü i nügütama ixugüexŭ nax yangexetüxŭ rü yachixeparaxŭ! —ñanagürü. (Rü ngēma nixŭ i ne naxŭxŭ i ngēma dexa i ñaxŭ: “Rü tama chanaxwaxe i ngēma ingexetüxŭ rü ichixeparaxŭ nax chopatagu nachocuxŭ”, ñaxŭ.) ⁹Rü yemawena ga Dabí rü guma maḡpüne ga Chióŭwa ngexmane ga ĩanegu

nanaxü ga napata nax yéma norü churaragümaxã nayexmaxüçax. Rü guma ñane rü Dabíarü ñanegu nanaxüéga. Rü nanaxütapüxgü ga guxüwama. Rü Míloarü dauxütaechicawa inanaxügü, rü ñanewaama nanadaxëxë ga naxtapüx ñuxmata ãëxgacüpatawa nangu. ¹⁰Rü nüma ga Dabí rü yexeraãcü niporachigü yerü ga Tupana ya guxüétüwa ngëxmacü rü nüxü narüngüxëxë. ¹¹Rü yemacax ga Iráü ga ñane ga Tíruarü ãëxgacü ixícü rü Dabíxütawa nanamugü ga ñuxre ga norü ngüxëeruügü nax Dabímaxã yanadexagüxüçax. Rü ñuxüchi yéma nanamugü ta ga yatügü ga nüxü icuáxü ga nutaarü mexëëcüwagü rü corapínagü. Rü yema duüxügü rü yéma nanana ga mürapewagü ga ocayiwanaxcax nax yemamaxã naxügüaxüçax ga guma Dabípata.

.....

**Tupana nüxü nixu nax
Dabíü tá nangüxëxëxü**

7 ¹Rü yexguma nüma ga ãëxgacü ga Dabí nawa üxgu ga guma ípata ya ãëxgaciärü ixíxüne, rü Cori ya Tupana nanangüxmüxëxë namaxã ga guxüma ga norü uanügü ga Iraéanena ngaicamagüxü. ²Rü nüma ga Dabí rü guma Tupanaarü orearü uruxü ga Natáüxü ñanagürü: —iDüca i choma rü wüxi ya mexechine ya ípata ya ocayiwanaxcax ixínegu chape! Natürü ngëma baú i Tupanaarü mugü nawa ngëxmagüxü rü wüxi ya ípata ya naxchirunaxcaxwa nangexma —ñanagürü. ³Rü nüma ga Natáü rü

ñanagürü: —iËcü naxü i ngëma nagu curüxínüxü! Erü Cori ya Tupana rü ínamemare nax cuxü nangüxëxëxü —ñanagürü. ⁴Natürü yema chütaxügu ga Tupana rü Natáüxü ñanagürü: ⁵—iChorü duü ya Dabímaxã idexa rü namaxã nüxü i xu i choma i Cori ya Tupana nax chixíxü rü ñacharügü: “Taxütáma nüma nixí i chaüxcax naxüaxü ya yima ípata ya nawa tá changexmane! ⁶Rü yexguma noxritama Equítuanewa íchanangüxüxëxëxü ga Iraétanüxügü, rü yexgumacürüwa rü taguma wüxi ga ípata ga mürapewanaxcaxtüüwa chayexma, natürü ípata ga naxchirunaxcaxtüüwa nixí ga chayexmaxü. ⁷Rü gucüma ga guma taunecügü ga nagu Iraétanüxügümaxã ichixücü, rü taguma nüxna chaca ga wüxi ga norü ãëxgacü nax chaüxcax wüxi ga ípata ga ocayiwanaxcax naxüxü woo choma nax chayangucuchixëxë ga yema ãëxgacügü nax Iraétanüxügümaxã inacuáxüçax. ⁸Rü ngëmacax inamaxã nüxü i xu ya chorü duü ya Dabí rü choma ya Cori ya Tupana ya guxäétüwa ngëxmacü, rü ñacharügü nüxü! ‘Yexguma carnérugüarü dauruxü quixíxgu rü yéa naanewa nüxna cudäüxgu, rü choma cuxü chayaxu nax ñaa chorü duüxügü i Iraétanüxügüarü ãëxgacü nax quixíxüçax. ⁹Rü cuxü íchixümücü ga ngextá ícuxüxüwa, rü cuxü nüxü charüporamaexëxë ga guxüma ga curü uanügü ga cumaxã nügü dāixü. Rü cuxü chatachigaxëxë nax wüxi ya ãëxgacü ya aixcüma tacü quixíxü i ñoma i naanewa. ¹⁰⁻¹¹Rü ñuxmachi wüxi ga naane marü nüxna chaxã ga yema chorü duüxügü i

Iraétanüxügü. Rü yéma
chanangugüxëxë nax noxrü yixüxcax ga
yema naane. Rü woo norü uanügü nagu
nidauxcüraxügü, rü nanachixewegü ga
yexguma Yochuéwena nüxü
chaxunetagu ga äëxgacügü ga
guxchaxüarü mexëëruügü, natürü i
ñuxma rü cuxmexwa chanangexmaxëxë
i ngëma Iraéanecüäxgü nax namaxä
icucuáxücax rü taxúema nagu
idauxcüraxüxcax rü taxúema
nachixewexücax. Rü marü nataxutáma i
curü uanügü i cuxü rüporamaexü, rü
ngëma cutaxagü tá nixí i ngëma chorü
duüxügümaxä icuäxgüxü. ¹²Erü
ngëxguma cuma tá cuyuxgu, rü wüxi ya
cune tá chanamu nax Iraéanecüäxgüarü
äëxgacü yixüxcax. Rü ngëma äëxgacü
rü tá napora erü choma tátama
chanaporaxëxë. ¹³Rü nüma tá nixí i
wüxi ya chopata naxüxü. Rü choma rü
guxügutáma nüxü charüngüxë nax
duüxügümaxä inacuáxücax. ¹⁴Choma rü
tá nanatü chixí rü nüma rü tá chaune
nixí. Rü ngëxguma nüma chixexü
naxüxgu, rü choma rü tá to i
nachixüanecüäxgüxü chamu nax
napoxcugüaxücax. ¹⁵Natürü tagutáma
nüxü charüchau nax nüxü
changechaüxü, rü tagutáma nüxü chaxo
yema Chaüxü chaxoxürüxü rü yemacax
nachicüxü cuxü chimucuchi i cuma i
Dabí” —ñanagürü ga Tupana.
.....

Dabí rü Mepibochéxü narüngüxëxë

9 ¹Rü wüxi ga ngunexügu ga Dabí rü
ínaca rü ñanagürü: —¿Rü
tayíxemaxü ya wüxie ya Chaútanüxü i
ñuxma rü ta ngextá maxüxe? Erü

ngëxguma tayíxemagu rü Yonataüégagu
tüxü charüngüxëxëchaü —ñanagürü. ²Rü
yexguma Dabí nüxü cuaxgu ga nax
nayexmaxü ga wüxi ga yatü ga Chfbagu
äëgacü ga Chaúarü duüxü ixícü, rü
nüma ga Dabí rü naxcax nangema nax
naxütawa naxüxcax. Rü yexguma
Chfba Dabíütawa üxgu, rü nüma ga
äëxgacü rü nüxna naca rü ñanagürü:
—¿Cuma nixí i Chfba quixíxü?
—ñanagürü. Rü nüma nanangäxüga rü
ñanagürü: —Ngü, Pa Chorü Äëxgacüx
—ñanagürü. ³Rü yexguma ga nüma ga
äëxgacü rü nüxna naca rü ñanagürü:
—¿Tangexmaxü ya maxüxe ya
Chaútanüxüwa íyaxüxe? Rü ngëxguma
tangexmagu, rü Tupanaégagu
chayanguxëxëchaü i ngëma nagu
charüxínüxü nax ngëmaäcü nüxü
chanawëxücax nax choxü
nangechaütümüxüxü —ñanagürü. Rü
nüma ga Chfba rü nanangäxüga rü
ñanagürü: —Nangexma nixí ya wüxi ya
Yonataü nane ya norü guxüneparawa
chixecü —ñanagürü. ⁴Rü nüma ga
äëxgacü rü ñanagürü: —¿Ngextá
inangexmaxü? —ñanagürü. Rü nüma ga
Chfba nanangäxüga rü ñanagürü:
—Lodebáwa nixí i nangexmaxü i Maquí
ya Amié nanepatawa —ñanagürü. ⁵Rü
yexguma ga nüma ga äëxgacü ga Dabí
rü nanamu ga yema ínayexmaxüwa nax
yagagüaxücax. ⁶Rü yexguma
Dabíütawa nanguxgu ga nüma ga
Mepiboché ga Yonataü nane ga
Chaútaxa ixícü, rü napexegu
nanangücuchi ga nüxü nax
namoxëxücax. Rü nüma ga Dabí rü
nüxna naca rü ñanagürü: —¿Ëxna cuma
quixíxü, Pa Mepibochéxü? —ñanagürü.

Rü nūma nanangāxūga rü ñanagürü:
—Cuxmexwa changexma Pa Ñëxgacüx
—ñanagürü. ⁷Rü nūma ga Dabí rü
ñanagürü nüxū: —iTaxucaxma cumuū!
Erü choma rü meatáma cumaxā
ichacuax cunatü ga Yonatóüégagu. Rü
tá chanamu nax cuxū
natāeguxēgüaxūcax i guxūma i ngēma
naane ga curü oxí ga Chaúarü ixíxū. Rü
guxūgutáma chorü mecha i choma
íchachibüxūwa tá cuchibü —ñanagürü.
⁸Natürü nūma ga Mepiboché rü
āëxgacüpexegu nanangücuchi rü
ñanagürü nüxū: —¿Tüxcüü chaugu
curüxnü i choma i curü duüxū chixíxū,
Pa Ñëxgacüx, ega ngëxguma taxuwama
cuxū chamexgu? —ñanagürü.

.....

¹³Rü yemawena ga nūma ga
Mepiboché ga guxūneparawa chixecü rü
Yerucharéügu naxächüü, yerü guxūguma
āëxgacüarü mechawa nachibü.

.....

Dabí rü Bechabé

11 ¹Rü guma tauemacügu ga
yexguma tauneciüwa
nanguxchaügu, rü yexguma nixí ga
āëxgacügu ga ínachoxūxū ga daiwa nax
naxíxūcax. Rü nūma ga Dabí rü norü
churaragüarü āëxgacü ga Yoáxū namu
nax yema norü churaragümaxā
nadaiaxūcax ga Amóütanüxūgü. Rü
guma Amóütanüxūgüarü ñane ga
Rabáxū ínachoeguāchi. Natürü nūma ga
Dabí rü Yerucharéügu narüxāüx. ²Rü
wüxi ga yáuanecü ga yexguma
tocuchiguwena ngüwa ínadxgu ga
Dabí, rü guma napataarü doétüxūgu
naxīnagü rü yexma ínixūächixū. Rü

yexguma guma ñaneétü ínadawenügu,
rü ngíxū nadau ga wüxi ga nge ga
mexechicü ga yéma aiyacü. ³⁻⁴Rü yema
nge rü ngígü imexëxë, yerü yexwaca
ngíxcax nitaane ga ngírü
daxawexūnewa. Rü nūma ga Dabí rü
norü duüxūxū namu nax ínacaxūcax
nax texe yixíxū ga yema nge. Rü
namaxā nüxū nixugüe ga Bechabé ga
Eriáüacü ga Uría ga Itítatanüxū naxmāx
nax yixíxū. Rü yexguma ga Dabí rü
ñuxre ga norü duüxūgüxū namu nax
ngíxcax yacaxgüxūcax nax naxūtawa
naxūxūcax. Rü yexguma yéma
naxūtawa nanguxgu, rü nūma rü
ngímaxā namaxū. Rü yemawena ga
ngíma rü ngípatacax itáegu. ⁵Rü ngíma
ga yema nge rü nüxū ixāxaciü, rü
yemacax Dabíxū nüxū icuaxëxë. ⁶Rü
yexguma ga Dabí rü wüxi ga poperagu
Yoáxūtawa nanamu ga ore ga ñaxū:
—iNua chauxūtawa namu ya yimá
Itítatanüxū ya Uría! —ñaxū. Rü
yemaacü nanaxü ga Yoá. ⁷Rü yexguma
Uría Dabíxūtawa nguxgu, rü nūma ga
Dabí rü nüxna naca nax ñuxaciü nüxū
naxüpetüxū ga Yoá rü yema norü
churaragü, rü ñuxaciü iyaxüxū ga yema
nügü ínadaixūwa. ⁸Rü yemawena ga
Dabí rü ñanagürü: —iÉcü, cuchüwa
naxü rü ngëxma yarüngü! —ñanagürü.
Rü yexguma Dabíxūtawa ínaxüxūxgu ga
Uría, rü nūma ga Dabí rü Uríapatawa
nanamu ga wüxi ga ñna ga mexū norü
āmarexū. ⁹Natürü nūma ga Uría rü
tama nachüwa naxü. Rü
āëxgacüpataarü iāxūtagu nape naxūtagu
ga yema churaragü ga yéma
daxūtaegüxū. ¹⁰Rü yexguma Dabí
nüxū cuaxgu ga Uría rü tama nachüwa

nax naxũxĩ, rü nüxna naca rü ñanagürü: —¿Taxacü cuxĩ nangupetü? ¿Tũxcüĩ tama cuchiũgu cuyape woo nax ñuxre i ngunexũ ngextámare nax cungexmaxũ? —ñanagürü. ¹¹Rü nüma ga Uría nanangãxũga rü ñanagürü: —Ngẽma baú i Tupanaarü mugüchixũ rü Iraéanecüãxgüarü churaragü rü Yudaánearü churaragü rü düxenügütüũgumare napegü. Rü ngẽxgumarixũ ta ya Yoá ya chorü ãẽxgacü, rü ngẽma ãẽxgacügü i cutüũwa ügixũ rü düxétüanegumare napegü. ¿Rü ñuxãcü i choma rü chiarü chauxchiũgu chaxücuxũ, rü chachibũxũ, rü chaxaxexũ, rü chauxmãxũta chi chapexũ? Rü Tupanaégagu cumaxã nüxũ chixu rü tagutáma ngẽma chaxü —ñanagürü. ¹²Natürü nüma ga Dabí rü nanamu ga yexmatama nax naxáũxũcax rü ñanagürü: —iNuxmatama rüxãũx i ñuxmax rü chanaxwaxe i moxü nax cutáeguxũ! —ñanagürü. Rü yemaacü ga Uría rü moxüãcü rü ta Yerucharéũgu narüxãũx. ¹³Rü nüma ga Dabí rü nüxna naxu nax namaxã nachibũxũcax rü namaxã nax naxaxexũcax, rü nanangãxẽxẽ. Rü yexguma marü nachütagu ga Uría, rü ínaxũxü rü yema churaragü ga ídauxũtaegüxũtanügu nayape, natürü tama nachiũwa naxü. ¹⁴Rü moxüãcü paxmama ga Dabí rü Yoáçax popera naxümatü rü Uríamaxã yéma nanamu. ¹⁵Rü yema poperawa rü ñanagürü: “iNgẽma napexegu ágüxũ i curü churaragümaxã yamu ya Uría i ngextá ngẽma tórü uanügüarü churaragü írüporamaegüxũwa nax naxũxũcax! iRü ñuxũchi nüxica ngẽma penatáx nax ngẽmaãcü

yapixẽẽgüaxũcax rü ngẽxma nayuxũcax!” ñanagürü ga norü poperawa. ¹⁶Rü yemaçax ga Yoá ga yexguma guma íanexũ ínachoeuguãchigu ga nügü nax nadãixũcax, rü Uríaxũ namu nax ngextá norü uanügüarü churaragü írüporamaexũwa yaxũüchixũcax. ¹⁷Rü yexguma iyayixgu ga yema norü uanügü nax Yoáarü churaragümaxã nügü nadãixũcax rü ínapoxũgüãxũcax ga guma norü íane, rü yexma nayue ga ñuxre ga Dabíarü churaragüeru. Rü yematanüwa nayexma ga Uría. ¹⁸Rü nüma ga Yoá rü Dabíxütawa nanamu ga popera ga nawa nüxũ yaxuxũ nax ñuxãcü ínanguxuchixũ ga yema nügü ínadãixũwa. ¹⁹Rü nanaxucuxẽ ga yema duũxũ ga orearü ngeruxũ, rü ñanagürü: —Ngẽxguma quigüegagu nax ãẽxgacümaxã nüxũ quixuxũ i nachiga nax ñuxãcü ínanguxuchixũ nax yigü namaxã idãixũ i tórü uanügü, ²⁰rü ngürüãchi nüma ya ãẽxgacü rü tá nanu rü cuxna tá naca rü ñanagürü tá: “¿Tũxcüĩ nüxna pengaicamaxũchi ya yima íane? ¿Tama ẽxna nüxũ pecuax i norü poxeguruũétüwa nax pexũ ínamuxũchigüxũ namaxã ya nutagü i ngẽma tórü uanügü? ²¹¿Tama ẽxna nüxna pecuaxãchiexũ ga yema nge ga Tébecüãx ga ãẽxgacü ga Abimelé ga Yerubaá nanexũ imãxcü ga yexguma wüxi ga nuta ga caexũ naétü nañaxgu? Rü ngẽmacax ¿tũxcüĩ nüxna pengaicamaxũchi ya yima íanearü poxeguxũ?” ñaãcü tá cuxna naca. Rü ngẽxguma i cuma rü tá cunangãxũga rü ñacurügü tá: “Ngẽxma ta nixĩ i nayuxũ ya Uría ya Íftatanüxũ ixĩcü, Pa Chorü

Āēxgacūx”, ñacurügü tá —ñanagürü ga Yoá. ²²Rü yema orearü ngeruxü rü yéma Dabíxütawa naxü. Rü yexguma yéma nanguxgu rü Dabímaxâ nüxü nixu ga guxüma ga yema ore ga Yoá namaxâ nüxü ixuxü. Rü nüma ga Dabí rü Yoámaxâ nanu, rü yema orearü ngeruüxü ñanagürü: —¿Tüxcüü nüxna pengaicamaxüchi ya yima ñane? ¿Rü tama ēxna nüxü pecuax i norü poxeguruüétüwa nax pexü ínamuxüchigüxü namaxâ ya nutagü i ngēma tórü uanügü? ¿Tama ēxna nüxna pecuaxâchiexü ga yema nge ga Tébecüax ga Abimelé ga Yerubaá nanexü imāxcü ga yexguma wüxi ga nuta ga caexü naétü nañaxgu? Rü ngēmacax ¿tüxcüü nüxna pengaicamaxüchi ya yima ñanearü poxeguxü? —ñanagürü. ²³Rü nüma ga yema orearü ngeruxü rü nanangāxüga rü ñanagürü: —Nüma ga yema tórü uanügüarü churaragü rü inayayí, rü tomaa nügü nadai. Natürü ga toma rü nügü itayabuxmüxēxē rü ñuxmata ñanecax ixücuxüwa nangugü. ²⁴Rü yexgumayane ga yema tórü uanügü rü ñanearü poxeguxüarü daxüwa würamaxâ curü churaragüxü nadai, Pa Chorü Āēxgacüx. Rü ngēxma nayue i ñuxre i churaragüeru rü ngēmatanügu nayu ya Uría ya Itítatanüxü ixüci —ñanagürü. ²⁵Rü yexguma ga Dabí rü yema orearü ngeruüxü nangāxüga, rü ñanagürü: —iYoámaxâ nüxü ixu rü taxucaxma naxcax naxoegaāxē i ngēma, erü woetama ngēmaācü nangupetü i daiwa! iRü namaxâ nüxü ixu nax yexera pora naxüxüçax nax nadaiācuāxüçax ya yima ñane —ñacurügü tá nüxü! Rü

cuma rü name nixí i yexeraācü pora Yoána cuxā —ñanagürü. ²⁶Rü yexguma nüxü nacuaçgu ga Uría naxmax ga marü nax nayuxü ga guma ngíte rü inaxaure. ²⁷Natürü yexguma marü nangupetüçgu ga nax naxaurexü, rü nüma ga Dabí rü nachiüwa ngíxcax nangema, rü naxmaxü ngíxü nixíxēxē, rü nüxü ixāxaci. Natürü nüma ga Cori ya Tupana rü tama namaxâ nataāxē ga yema Dabí iüxü.

Natáü rü Dabíxü naxoregü

12 ¹Rü nüma ga Cori ya Tupana rü norü orearü uruxü ga Natáüxü namu ga Dabíxütawa nax naxüxüçax. Rü yexguma Natáü Dabíxütawa nguxgu, rü ñanagürü nüxü: —Wüxi ga ñanewa nayexma ga taxre ga yatü. Wüxi rü namuarü yemaxüāxüchi rü yema to rü nangearü yemaxüāx. ²Rü yema muarü yemaxüāxü rü muxüma ga carnérugü rü wocagü nüxü nayexma. ³Natürü ga yema ngearü yemaxüāxü rü wüxitama ga carnéruacü nüxü tayexma ga tümacax nataxexe. Rü nümatama tüxü nayaxēxē ga guxema carnéruacü, rü naxütawa rü nanegüxütawa taya. Rü yematama ñna ga tümaarü yora ngóxü tangōx rü naxpáxüwatama taxaxe, rü nügüxüta tüxü napexēxē. Rü nüma ga guma yatü tüxü nangechaü ñoma naxacüxü nangechaüxürüxü. ⁴Rü wüxi ga ngunexü rü yema muarü yemaxüāxüxütagu nanaxüane ga wüxi ga duüxü ga toxnamana ne üxü. Natürü nüma ga yema duüxü ga muarü yemaxüāxü rü tama norü carnéruta rüēxna norü wocata nimáxchaü nax yemaacü naxcax nax naxüwemüxüçax ga yema naxütagu

naxũanexũ. Rũ guxema ngearũ diẽruáxearũ carnẽru niyaxu, rũ yema yẽma nguxũcax tũxũ naxũ —ñanagũrũ. ⁵Rũ yexguma yemaxũ naxĩnũgu ga Dabí, rũ yema yatũimaxã poraãcũ nanu, rũ Natáũxũ ñanagũrũ: —Tupanaégagu cumaxã nüxũ chixu rũ texé ya ngẽma úxe rũ name nixĩ i tũxũ nax imáxũ. ⁶Rũ 4 expũxcũna tá tũxũ naxĩtanũ ya yĩxema carnẽruacũ, erũ tama nüxũ tangechaũtũmũxũĩãcũma nanaxũ i ngẽma —ñanagũrũ. ⁷Rũ yexguma ga Natáũ rũ ñanagũrũ: —Cuma nixĩ i ngẽma yatũ quixĩxũ. Rũ ñaa nixĩ i norũ ore i Cori ya Iraéanecũãxgũarũ Tupana cumaxã nüxũ ixuxũ. Choma cuxũ chayaxu nax Iraéanecũãxgũarũ ãẽxgacũ nax quixĩxũ, rũ Chaúmẽxẽwa cuxũ íchapoxũ. ⁸Rũ napata cuxna chaxã, rũ cuxmẽxwa tũxũ changexmagũxẽxẽ ga naxmãxgũ, rũ guxũma i Iraéane rũ Yudáane rũ cuxna chaxã. Rũ ngẽxguma chi cuxcax nanoxregu i ngẽma, rũ chi muxũma i togũ i ngẽmaxũgũ chi cuxna chaxã. ⁹¿Rũ tũxcũũ tama naga cuxĩnũ i chorũ ore, rũ cunaxũ i ngẽma tama chauãẽwa mexũ? Rũ cuma rũ Amóũtanixũgũarũ taramaxã cuyamãx ya Uría ya Itítatanixũ rũ naxmãxcax cungĩx. ¹⁰Rũ ngẽma nax choxũ cuxoxũ, rũ ngẽmacax Uría ya Itítatanixũ naxmãx tũxũ cuyapu rũ cuxmãxũ tũxũ quixĩxẽxẽ. Rũ ngẽmagagu rũ guxũgutãma ãũcũmaxũwa cungexma. ¹¹Rũ choma i Cori ya Tupana rũ cumaxã nüxũ chixu rũ choma rũ tá chanaxũ nax cutanixũ tátama yixĩxũ i guxchaxũ cumaxã üxũ. Rũ cupẽxewa tátama tũxũ chade ya cuxmãxgũ rũ ngẽma cutanixũna tá tũxũ chamugũ, rũ guxãpẽxewa tá tũmamaxã namaxẽ.

¹²Cuma rũ cúãcũ cunaxũ i ngẽma chixexũ, natĩrũ i choma rũ guxũma i Iraéanecũãxgũpẽxewa tá chanaxũ i ngẽma cumaxã nüxũ chixuxũ nax guxãma nüxũ dauxũcax —ñanagũrũ. ¹³Rũ nüma ga Dabí rũ Natáũxũ nangãxũga rũ ñanagũrũ: —Tupanamaxã chixexũ chaxũ —ñanagũrũ. Rũ nüma ga Natáũ nanangãxũga rũ ñanagũrũ: —Ngẽmãacũ, natĩrũ Tupana rũ cuxũ nangechaũ, rũ taxũtãma ngẽma chixexũgagu cuyu. ¹⁴Natĩrũ ngẽma chixexũ icuxixũgagu rũ Tupanaarũ uanũgũaxũ cunatauxchaxẽxẽ nax Tupanaxũ naxoexũ rũ namaxã naguxchigagũxũ. Rũ ngẽmacax ya yimá cune ya ngexwacax íxracũ rũ tá nayu —ñanagũrũ. ¹⁵Rũ yexguma Natáũ nachĩũcax táeguxgux rũ nüma ga Cori ya Tupana rũ poraãcũ nayadaaxawexẽxẽ ga yema buxũ ga Uría naxmãxwaũxũ. ¹⁶Rũ nüma ga Dabí rũ Tupanana naca naxcax ga yema buxũ, rũ naxaure rũ ñaxtũanegumare naca rũ yexma nüxũ nangupetũ ga ñuxre ga chũtaxũ. ¹⁷Rũ yema ãẽxgacũgũ ga norũ ngũxẽẽruũgũ ga yẽma naxũtawa yexmagũxũ, rũ nüxũ nacãxũgũ nax inachixũcax ga ñaxtũanewa. Natĩrũ ga nüma ga Dabí rũ tama inachixchaũ rũ tama natanũwa nachibũchaũ. ¹⁸Rũ 7 ga ngunexũ ngupetũxguwena rũ tayu ga guxema buxe. Rũ nümagũ ga yema Dabíarũ ngũxẽẽruũgũ rũ namũie ga namaxã nüxũ nax yaxugũexũ, yerũ ñaxũgu narũxĩnũie: “Rũ yexguma tamaxyane ga guxema buxe rũ nüma ga ãẽxgacũ rũ tama taga naxĩnũchaũ rũ tama nachibũchaũ. Rũ ngẽmacax i ñuxma nax tayuxũ rũ ñuxãcũ tá namaxã nüxũ tixu, erũ tama nüxũ tacuãx nax taxacũ tá nügũmaxã naxũxũ”,

ñaxũgu narũxĩnũe. ¹⁹Natũrũ nũma ga Dabí rũ nũxũ nadau ga yema norũ ngũxẽẽruũgũ ga bexma nũgũmaxã nax yadexagũxũ, rũ yemawa nũxũ nacuax ga guxema buxe rũ marũ nax tayuxũ. Rũ yemaçax nũxna naca rũ ñanagũrũ: —¿Marũ tayu ya yĩxema buxe? —ñanagũrũ. Rũ nũma ga yema norũ ngũxẽẽruũgũ rũ nanangãxũgagũ rũ ñanagũrũgũ: —Ngũ, marũ tayu —ñanagũrũgũ. ²⁰Rũ yexguma ga Dabí rũ inachi ga ñaxtũanewa, rũ naxaiya rũ nũgũ napumára rũ ínacuxuchi rũ to ga naxchirugu nicux. Rũ Tupanapatawa naxũ rũ yexma naxũcu rũ Cori ya Tupanaxũ nicuaxũxũ. Rũ yemawena rũ nachĩucax natáegu rũ ònacax ínaca rũ nachibũ. ²¹Rũ yexguma ga yema norũ ngũxẽẽruũgũ rũ Dabína nacagũ rũ ñanagũrũgũ: —¿Natũrũ taxacũcax ngẽmaãcũ cunaxũ Pa Ñẽxgacix? Rũ yexguma tamaxũxgu ga guxema buxe, Pa Ñẽxgacũx, rũ cuxaure rũ tũmacax cuxaxu. Natũrũ i ñuxmax marũ nax tayuxũ ya buxe, Pa Ñẽxgacũx, rũ icuchi rũ cuchibũ —ñanagũrũgũ. ²²Rũ Dabí nanangãxũga rũ ñanagũrũ: —Yexguma tamaxũxgu ga guxema buxe rũ chaxaure rũ chaxaxu yerũ nagu charũxĩnũ chi ga Cori ya Tupanaaxũ nax changechaũtũmũxũxũ rũ tũxũ namaxẽẽxũ ga guxema buxe. ²³—Natũrũ i ñuxma nax marũ tayuxũ ¿rũ taxacũcax ichaxaurexũ ega taxucũrũwa wena tũxũ chamaxẽẽgu? Choma rũ tá tũmaxũtawa chaxũ, natũrũ i tũma rũ taxuacũma chauxcax tatáegu —ñanagũrũ.

Charumóũarũ buxchiga

²⁴Rũ yemawena ga Dabí rũ naxmax ga Bechabéxũ nayataãxẽẽxẽ. Rũ

ngĩxũta nanaxũane rũ ngĩmaxã namaxũ, rũ nũxũ ixãxaci. Rũ nũma ga Dabí rũ Charumóũgu nanaxũega.

.....

Acharóũ rũ nanatũ ga Dabíxũ ínataxũchichaũ

15 ¹Rũ wũxi ga ngunexũ rũ nũma ga Dabí nane ga Acharóũ rũ naxcax nataxe ga wũxi ga nawexũ ga mexechine ga cowarugũ itũxũne. Rũ naxcax nadau ga 50 ga norũ churaragũ. ²⁻³Rũ paxmama ínaruãduũxũ rũ namacũwagu nayachiixũ ga duũxũgũ ñanecax íhocuxũwa. Rũ guxãma ga guxema ãẽxgacũxũ dauxchaũgũxe nax tũmaarũ guxchaxũ tayamexẽẽgũxũcax, rũ nũma ga Acharóũ rũ tũmacax naca rũ ñuxũchi tũxna naca ga ngexnerũxũne ga ñanewa nax ne taxũxũ. Rũ guxema tũgũ ixuxe nax wũxi ga Iraéanecũãxgũtũcumũwa nax taxũxũ, rũ nũma ga Acharóũ rũ ñanagũrũ tũxũ: —Rũ aixcũma nixĩ i ngẽma nũxũ quixuxũ, natũrũ nataxuma i ãẽxgacũarũ ngũxẽẽruũgũ i cuxũ rũngũxẽẽxũ —ñanagũrũ. ⁴Rũ ñanagũrũ ta: —Chierũ ñaa nachixũanewa ãẽxgacũ i guxchaxũarũ mexẽẽruxũ chixĩxgu nax ngẽmaãcũ guxãma chauxũtawa naxĩxũcax ya yĩxema guxchaxũgũ tũxũ ngẽxmaxe nax tũxũ chanamexẽẽxũcax —ñanagũrũ. ⁵Rũ yexguma texé napexegu yacaxãpũxũgu, rũ nũma ga Acharóũ rũ tama nanaxwaxe ga yemaacũ nũxũ nax tarũmoxẽẽgũxũ, rũ tũmamexẽẽgu nayayauxãchi rũ tũxũ nachúxu. ⁶Rũ yemaacũ ga nũma ga Acharóũ rũ tũmamaxã nũgũ namecũmaxẽẽ ga guxãma ga

Iraéanecüâxgü ga âëxgacüxütawa üxchaüxe nax namexêëâxüçax ga tûmaarü guxchaxügü. Rü yemaacü nixi ga nüguna tüxü yapuexêëxü ga guxema Iraéanecüâxgü. ⁷Rü yexguma 4 ga taunecü ngupetüxgu, rü nüma ga Acharóü rü nanatü ga âëxgacüxü ñanagürü: —Cuxna chaca, Pa Âëxgacüx ÷rü marü curü me yixixü nax Ebróüwa chaxüxü nax chayanguxêëxüçax ga yema uneta ga Cori ya Tupanamaxã nüxü chixuxü? ⁸Rü yexguma Chíríaanegu chaxächüügu ga Yechúarü íanewa, rü choma nax curü duüxü chixixü, rü yéma Cori ya Tupanamaxã nüxü chixu rü ngëxguma chi nüma choxü natauxchaxêëägu ga Yerucharéüçax nax chatáeguxü rü chi nüxü chayarücuaxüxü namaxã i wüxi i chorü ãmare i naxçax chiguxü —ñanagürü. ⁹Rü nüma ga âëxgacü rü nanangâxüga rü ñanagürü: —IMarü name rü mea ngéma naxü! —ñanagürü. Rü yexguma ga nüma ga Acharóü rü Ebróüwa naxü. ¹⁰Rü yexguma Ebróüwa nayexmayane ga Acharóü rü ñuxre ga norü duüxügüxü namu nax guxü ga Iraéanecüâxgütücumüwa naxixüçax rü nüxü nax yanaxugüxüçax ga norü ore ga ñaxü: “Rü ngëxguma nüxü pexñüiegu i cornétaga, rü ngëmawa tá nüxü pecuax nax Ebróüwa yangucuchixü ya Acharóü nax Iraéanecüâxgüarü âëxgacü yixixüçax”, ñaxü. ¹¹Rü ñuxmachí ga nüma ga Acharóü rü nüxna naxu ga 200 ga yatügü ga Yerucharéüçüçax ga mexügu rüxñüexü. Rü nawe narüxí natürü tama nüxü nacuaxgü ga taxacü nax yixixü ga yema norü ñnü. ¹²Rü yexgumarüxü ta ga nüma ga Acharóü rü

naxçax nangema ga wüxi ga Dabíarü ucuxêruxü ga Aitópegu âëgacü ga norü íane ga Yirúgu áchiüçü. Rü namaxã nüxü nixu nax naxümücüaxüçax ga yexguma Tupanacax naxüna nadâixgu rü ínaguâxgu. Rü yemaacü ga yema Acharóüarü ínúwaama ügüxü ga yatügü rü nimuetanü ga yema nawe rüxixü.

Dabí rü Yerucharéüwa ñña

¹³Rü wüxi ga duüxü rü Dabímaxã nüxü nayarüxu rü ga Iraéanecüâxgü rü Acharóüwe nax naxixü. ¹⁴Rü yexguma nüma ga Dabí rü nanamu ga guxüma ga norü churaragüeru ga namaxã Yerucharéüwa yexmagüxü, rü ñanagürü: —iNgíxã ñuxmatama tibuxmü! Erü yixcama rü taxucürüwatama Acharóüchaxwa tibuxmü. iNgíxã, rü peporaâëgü! Erü ngürüächí tá tüxü nayangau rü chixexü tá tamaxã naxü, rü norü taramaxã tá tüxü nadai ya guxãma ya íanecüçax —ñanagürü.

.....

³¹Rü yexguma Dabímaxã nüxü yaxugüegu ga Aitópe rü Acharóüarü ínúwaama üxü, rü nüma ga Dabí rü Cori ya Tupanana naca ga nax natoóxêëxüçax ga yema Aitópe nagu rüxñüxü.

.....

Dabíarü churaragü rü Acharóüxü nimaxgü

18 ¹Rü nüma ga Dabí rü norü churaragüxü nixugü. Rü wüxichigü ga 1000 ga churaragüçax rü nüxü naxuneta ga norü comaüdáüte. Rü wüxichigü ga 1000 wa rü 100 gu inananu. Rü wüxichigü ga 100 çax rü

nüxũ naxuneta ga norü capitáũ. ²Rü yemawena rü tomaepũxtücumügu nayayauxye ga norü churaragü. Rü wüxitücumümaxã inacuax ga Yoá. Rü totücumümaxã inacuax ga Abichái ga Cheriá nane ga Yoáenexẽ ixĩcü. Rü yema totücumümaxã inacuax ga Itái ga Gáxcüãx ixĩcü. Rü ñuxũchi ga nüma ga Dabí rü guxũma ga yema norü churaragüxũ ñanagürü: —Choma rü tá ta pexũ íchixümücü i daiwa —ñanagürü. ³Natürü ga nümagü rü nanangãxũgagü rü ñanagürügü: —Taxuacüma ngẽmaãcü cunaxü, Pa Æëxgacüx, erü ngẽma torü uanügücax rü nüétama ega woo naxchaxwa tibuxmũxgu rüexna ngãxũ i tatanüxũ yuegu, erü ngẽma nüma nanaxwaxegüxũ nixĩ nax cuxũ yamãxgüxũ. Rü ngẽmacax, Pa Æëxgacüx, rü cuma rü 10,000 i toma i curü churaragüarü yexera toxũ cume. Rü ngẽmacax narümemae i nuxátama ñanegu curüxãüx nax ngẽmaãcü to i churaragü toxũtawata cumugüxũcax —ñanagürügü. ⁴Rü yexguma ga nüma ga ãëxgacü rü nanangãxũga rü ñanagürü: —Tá chanaxü i ngẽma pexcax rümemaxẽ —ñanagürü. Rü yexgumatama ga nüma ga ãëxgacü rü guma ñanearü ñãxgu ínachicuchi rü nüma ga norü churaragü rü ínachoxũtütücumü. ⁵Rü ñuxũchi ga nüma ga ãëxgacü rü nayaxucuxëgü ga Yoá rü Abichái rü Itái, rü ñanagürü nüxũ: —iMea namaxã pechopetü ya yimá ngextüxcü ya Acharóũ! —ñanagürü. Rü guxũma ga norü churaragü rü nüxũ naxĩnüe ga yexguma ãëxgacü yema ñaxgu nüxũ ga yema churaragüarü

ãëxgacügü nachiga ga gumá Acharóũ. ⁶Rü yemaacü inaxĩachi ga yema churaragü nax Iraéanecüãxgüarü churaragü ga Acharóũwaama ügüxũmaxã nügü nax nadaĩxũcax. Rü Efraĩarü naanewa yexmaxũ ga naixnecügu nixĩ ga nügü nadaĩxũ. ⁷Rü yema Dabíwe rüxĩxũ ga churaragü rü Acharóũarü churaragüxũ narüporamaegü. Rü poraãcü nügü nadai, rü 20,000 ga yatü yexma nayue. ⁸Rü guxũwama nangu ga nügü nax nadaĩxũ ga yema Efraĩarü naanewa. Rü woo yema noxri nügü ínadaĩxũgu nayue ga muxüma, natürü yemaarü yexera nixĩ ga naixnecügu yuexũ ga yexguma Dabíarü churaragü nawe ngëgügu. ⁹Rü yexguma nügü nadaiyane rü nüma ga Acharóũ ga norü múlagu ixĩcü, rü ngürüãchi yexma Dabíarü churaragümaxã nügü nangau. Rü nüma ga Acharóũ rü norü múlamaxã niña. Rü wüxi ga castaña ga taxũchacüütüüwa namaxã nagopetü, rü yéma niwaxcuchinaxã, rü yéma narütu. Rü yema múla rü nagopetümare. ¹⁰Rü wüxi ga yema Dabíarü duũxũ ga nüxũ dauxũ rü Yoámaxã nüxũ nixu. ¹¹Rü nüma ga Yoá rü ñanagürü: —¿Taxacü nixĩ? ¿Rü ngëxguma nüxũ cudaũxgu rü tüxcüü tama noxtacüma cuyamãx? Erü ngëxguma chi cuyamãxgu rü choma rü 10 tachinü i diëru chi cuxna chaxã rü wüxi i goyexũ —ñanagürü. ¹²Natürü ga yema churara rü Yoáxũ nangãxũga rü ñanagürü nüxũ: —Woo chi 1000 tachinü i diëru choxna cuxãxgu rü taxũchima chanaxü i ngẽma. Erü guxãma i tomãx rü nüxũ taxĩnüe ga ãëxgacü ga yexguma cuxũ rü Abicháixũ

rü Itáixũ ñaxgu: “iRü taxūtáma chixexũ namaxã pexü ya Acharóũ!” ñaxgu. ¹³Rü ngëxgumachi ãëxgacüechita chayamaxgu ya nane rü nüma ya ãëxgacü rü tá nüxũ nacuax nax texé yamáxũ, rü cuma rü taxüchima chauétüwa cuchogü —ñanagürü. ¹⁴Rü nüma ga Yoá rü ñanagürü: —iMarütama i ngëma dexe i chixemarexũ! —ñanagürü. Rü yexguma nanayaxu ga tomaepüx ga naixmenaxã ga ixámaguxũ, rü yemamaxã Acharóũxũ nacanapacütüxũ, yerü castañachacüxüwa nax natuxũ rü tama nayu. ¹⁵Rü yemawena rü 10 ga Yoáarü churaragü rü Acharóũxũ ínachomaeguãchi rü nayamaxgüxüchi.

²⁴Rü yexgumayane rü nüma ga Dabí rü guma ñanearü ñaxwa narüto. Rü nüma ga yema dauxütaeruxũ rü yema ñanearü poxeguxüétügu naxínagü nax yéma nadauxütaexüçax. Rü yexguma yexama nadawenügu ga yema dauxütaeruxũ rü nüxũ nadau ga wüxi ga yatü ga nüxica yéma ne ñaxũ. ²⁵⁻²⁶Rü tagaäcü ãëxgacümaxã nayacaxũ. Rü nüma ga ãëxgacü rü tagaäcü nanangãxũ rü ñanagürü: —Ngëxguma nüxicatama ngëma ne nañaxgu, rü mexũ i ore ngëma ne nange —ñanagürü. Natürü yexguma yema yatü ga yéma ne ñaxũ ingaicagu, rü nüma ga yema dauxütaeruxũ nüxũ nadau ga to ga yatü ga yéma ne ñaxũ. Rü yemacax yema ñaxarü dauruüna tagaäcü nacagü rü ñanagürü: —Yea nixĩ i to i yatü rü ngëma ne naña —ñanagürü. Rü nüma ga ãëxgacü rü tagaäcü ñanagürü: —Ngëma rü ta mexũ i ore ngëma ne

nange —ñanagürü. ²⁷Rü yexguma nüma ga yema dauxütaeruxũ rü ñanagürü ta: —Ngëma napexe iñaxũ rü norü ñaãchiwa nüxũ chacuax nax Chadú nane ya Aimáax yixixũ —ñanagürü. Rü nüma ga ãëxgacü rü nanangãxũ rü ñanagürü: —Nüma rü wüxi ya mecü ya yatü nixĩ, rü mexũ i ore nua nange —ñanagürü. ²⁸Rü nüma ga Aimáax rü ãëxgacüçax nixü rü napexegu nayacaxápüxü rü ñaxtianegu nanangücuchi rü yemaacü nüxũ narümoxë rü ñanagürü: —Name ya Cori ya Tupana, ya curü Tupana, Pa ãëxgacüx, erü marü nanadai ga yema tama cuga ñnüechaũxũ, Pa ãëxgacüx —ñanagürü. ²⁹Rü nüma ga ãëxgacü rü ínaca, rü ñanagürü: —¿Nüxäcü nüxũ nangupetüxũ ya yimá ngextüxücü ya Acharóũ? ¿Rü namemarexũ yixixũ? —ñanagürü. Rü nüma ga Aimáax rü nanangãxüga rü ñanagürü: —Ngëxguma Yoá choxũ muxgu rü ínixaicha, natürü tama nüxũ chacuax, Pa ãëxgacüx, nax taxacü ngupetüxũ —ñanagürü. ³⁰Rü nüma ga ãëxgacü rü ñanagürü nüxũ: —iInachi rü ngëxma ínachicuchi! —ñanagürü. Rü nüma ga Aimáax rü yexma ínachicuchi. ³¹Rü yexgumatama ínangu ga yema to ga yatü ga Etiopíaanecüãx rü ñanagürü: —Nangexma i wüxi i mexũ i ore, Pa ãëxgacüx. Rü ñuxma ya Cori ya Tupana rü mexũ cumaxã naxü, Pa ãëxgacüx, erü cuxũ ínapoxũ nawa ga yema tama cuga ñnüechaũxũ, Pa ãëxgacüx —ñanagürü. ³²Rü nüma ga ãëxgacü rü yema Etiopíaanecüãxna naca rü ñanagürü: —¿Rü yimá ngextüxücü ya Acharóũ, rü taxuxüma nüxũ üpetüxũ?

—ñanagürü. Rü nüma ga Etiopíaanecüāx rü nanangāxūga rü ñanagürü: —Chierü ngēma curü uanügü, Pa Āëxgacüx, rü guxūma i ngēma chixexü cumaxā ügüchaūxü rü yimá ngextüxücürüxü nayuegu —ñanagürü. ³³Rü nüma ga āëxgacü rü axumaxā aita naxü. Rü daxü naxi ga yema norü ucapu ga ñanearü poxeguxüétüwa yexmaxūwa, rü yéma nayaxaxu. Rü yexma ínaxüüxüācūma ñanagürü: —Pa Chaunex, Pa Acharóūx. Pa Chaunex, Pa Acharóūx. Chierü choma cuchicüxü chayuxgu. Pa Chaunex, Pa Acharóūx, Pa Chaunex —ñanagürü.

**Āëxgacü ga Dabí rü wenaxarü
Yerucharéicax natáegu**

19 ¹⁻²Rü yexguma duūxügü nüxü cuaxgügu ga nüma ga āëxgacü ga Dabí ga poraäcü nane ga Acharóū ga yucüçax nax nangechaūxü rü naxçax naxaxuxü rü Yoámamax nüxü nayariüxugüe. Rü yemaacü ga yema ngunexügu ga yema nax norü uanügüxü naporamaegüchiréxü ga daiwa rü ngechaūxü nanacaxichi. ³Rü nümatama ga yema churaragü rü bexmamare ñanegu nachocu rü āneäcü inaxi ñoma chi daiwa yabuxmüxürüxü. ⁴Rü yexgumayane ga nüma ga āëxgacü rü nügu yadüxchiweäcūma poraäcü aita naxüüxü rü ñanagürü: —Pa Chaunex, Pa Acharóūx. Pa Chaunex, Pa Acharóūx, Pa Chaunex —ñanagürü. ⁵Rü yexguma ga Yoá rü Dabíxütawa naxü rü ñanagürü: —Pa Āëxgacüx, wüxi i āne nüxü quingexēxē i ngēma curü churaragü i cuxü ípoxügüxü nax tama peyueüçax i

cuma rü cunegü, rü cuxacügü, rü cuxmaxgü, rü cuxütaxügü. ⁶Rü ñuxma rü icunawex nax cuxçax rü taxuwama namexü i ngēma cutüüwa ügüxü i āëxgacügü rü churaragü, erü nüxü cungechaü i ngēma cuxchi aixexü, rü naxchi cuxai i ngēma cuxü ngechaügüxü. Ñuxma nüxü chicuaxāchi, Pa Āëxgacüx, rü cuxçax narümemae chi nixi nax Acharóū maxüxü, rü nüétama chi nixi ga nax tayueüxü ga tomax. ⁷Rü ínaxüxü rü nataāxëgüxëxē i ngēma curü churaragü! Erü Tupanaégagu cumaxā nüxü chixu rü ngëxguma taxütama ngēmaäcü cunaxüxgux, rü bai i wüxi tá nuxā cuxütagu narüxāüx i ñoma i chütaxügu. Ngēma rü tá guxūma ga chixexü ga yema curü ngextüxügu cuxü ngupetüxüarü yexera tá nixi i cuxçax ínguxü —ñanagürü ga Yoá. ⁸Rü yexguma ga nüma ga āëxgacü rü inachi, rü ñanearü ñāxwa narüto. Rü yexguma duūxügü nüxü cuaxgügu ga guma āëxgacü rü ñanearü ñāxwa nax yanatoxü, rü guxūma ga duūxügü rü naxütawa naxi. Rü yema Iraéanecüāxgü ga Acharóūwe rüxixü rü nibuxmü rü nachüüwa naxi.

.....

**Nawiyae ga Dabí yerü norü
uanügüxü narüporamae**

22 ¹Rü yexguma Cori ya Tupana Dabíxü rüngüxëëgu nax Chaümexëwa rü guxūma ga norü uanügümexëwa ínanguxuchixëëāxü, rü nüma ga Dabí rü ñaa wiyaemaxā Tupanaxü nicuaxüxü. ²⁻³Rü ñanagürü: “Cumax, Pa Cori rü chorü poxüruxü quixixü, rü chorü cuxchicaxü quixixü, rü chorü nguxuchixëëruxü quixixü, rü

chorü Tupana quixĩxũ, rü tacü ya nuta
 ya chorü poxũruxũ quixĩxũ, rü chorü
 tüpexeruxũ quixĩxũ, rü chorü maxẽeruxũ
 quixĩxũ, rü maxpúnetapexewa ngẽxmaxũ
 i chorü cuxchicaxũ i nagu changaxixũ
 quixĩxũ. Rü cuma nixĩ i chorü
 uanügümexẽwa choxũ ícunguxuchixẽẽxũ
 nax tama choxũ yamaxgũxũcax. ⁴Rü
 cuxũwaxi nixĩ i namexũ, Pa Corix, nax
 ticuaxũũgũxũ. Rü ngẽxguma
 ãücũmaxũwa changexmagu rü aita
 cuxcax chaxũxgu, rü cuma rü chorü
 uanügümexẽwa choxũ ícupoxũ.

.....

³¹Rü ngẽma Tupana nagu rüxĩnũxũ rü
 aixcũmama iniwex. Rü ngẽma Cori ya
 Tupanaarü uneta rü name nax yaxõxũ.
 Rü Tupana rü tüxũ ínapoxũ ya guxãma
 ya yíxema nagu yaxõgũxe. ³²¿Rü texé
 Tupana tixĩ ega tama tórü Cori ya
 Tupana yixĩxgu? ¿Rü taxacürü to i
 tupana nangexma i nüxũ taxchaxũ nax
 tüxũ ínapoxũxũ? ³³Rü nüma ya Tupana
 nixĩ ya norü poramaxã choxũ idũxũxcü.
 Rü yimá nixĩ ya namexẽẽcü i chorü
 maxũ nax taxuwama nachixexũcax”,
 ñanagürü.

.....